

欽定剿平粵匪方略

欽定勦平粵匪方略卷一百六十九 丁巳年

二月初二日

甲申

和春奏言總兵余萬清

月初六日鎮逆糾合高資水圩金山等處賊匪千餘名竄赴上塘一帶焚掠卽經總兵李志和等帶兵往勦約斃賊百餘名初七日出隊進攻鎮城分途埋伏並知會總兵泊承陞等督帶艇師開礮轟擊該逆由南水關虎頭山等處各出

賊千餘人分股來撲我軍伏兵四起立斃多賊
吳世斌等從旁抄入巴棟阿等由後兜剿殺死
無算金山又出賊千餘人意圖抄襲經張金榜
等分路截殺泊承陞等亦派水勇登岸會合夾
擊我軍奮勇爭先盡力擊刺逆匪紛紛倒地約
斃賊匪五百餘名又據總兵吳全美稟稱正月
初七日蕪湖賊匪蟻聚雙港一帶該鎮督勇迎

擊刺殺黃衣執旗賊目數名該逆驚潰約斃賊
二百餘名該逆露夜築營四座卡柵數重牽連
相守當派遊擊唐國棟等管駕紅單拖罾快蟹
數船乘風對準賊營開礮又派守備盧起升等
帶兵由陸路分途前進該逆見我軍大至突出
二三千人前來迎敵兵勇乘勢槍上連砍騎馬
賊十餘名卡柵數重盡行焚燬立將賊營四座

奪獲蕪湖又出賊千餘人來援經唐國棟等分
兵截殺追勦十餘里約斃賊八百餘名生擒五
十七名割取首級三百二十四顆奪獲划船二
十二隻大小礮位十五尊火藥鉛丸刀矛旗幟
五百餘件所有陣亡之千總劉得清臨陣捐軀
應請

旨飭部從優議卹奏入

上諭內閣曰此次江南各軍分路進攻尙爲得手著和春等督率水陸兵勇乘此聲威肅清江面迅克堅城千總劉得清臨陣捐軀深堪憫惜著交部從優議卹和春又奏言查江南逆匪以句容溧水爲犄角必須相機痛擊次第攻克庶可直擣金陵正月初一日句容南門突出賊七八千人由南土岡竄至尹家邊意欲撲攻我軍營盤卽飭張國樑

趕調參將戴文英等分左路中路右路迎擊並
派兵接應三路張國樑帶小隊策應臣和春督
軍調度該逆兇猛撲來我軍槍礮齊施立斃賊
匪多名張國樑揮令開礮擊倒黃衣騎馬賊數
名官軍一擁而前盡力擊刺正得手開南土岡
後又突出賊匪二三千人夾以馬賊多名飛奔
來援我軍佯退分路紮住張國樑率領步軍衝

八賊隊立刺悍賊數名落馬臣和春督同慶喜等兩面圍抄賊勢大敗馬步軍痛加擊勦約斃賊匪七八百名生擒六十餘名砍獲首級三百五十餘顆奪獲軍械馬匹四百數十件至初五初八十一等日連次進攻該逆堅守不出臣惟有再行設法攻勦旬容迅圖克復

和春又奏言溧水援賊在鄔山築壘十二月二

十六日傳振邦派參將李定太等分兩路前進
仍派馬隊於要隘埋伏策應賊匪約五六千人
蠡擁而來我軍迎頭截擊並令馬隊從旁抄襲
該逆自相驚亂越牆爬濠我兵乘勢擁進盡數
砍殺立將賊營三座同時奪獲城內之賊又突
出二三千人經米興朝等揮兵兜剿殺死無數
該逆首尾不能相顧奔敗入城過濠落水死者

不少兩路約斃賊三千餘名生擒七十七名僞
官五名正月初十日賊由北門出千餘人直撲
東路營盤經魯占鼇李定太攔頭截勦殲斃甚
多西門之賊又出千餘人來撲米興朝等盡力
擊勦約斃賊六百餘名十五日該逆於北門外
偷築營壘冀圖接應援賊卽派魯占鼇等分兵
圍攻該逆見我軍大至突出四五千入直前抗

拒李定太等奮力砍殺死者無算餘賊飛敗入城約斃賊六百餘名十七日飭令各營出隊先攻北門賊巢李定太等從兩旁抄入米興朝等於營內殺出馬隊由後路截勦四面兜洗斃賊尤多臣查溧水逆匪疊被懲創勢已窮蹙惟外援大股突至必須添兵合圍已飛調遊擊張克慎等帶勇一千餘名迅由東壩前赴溧水助勦

聞

以期兵勇會合迅克堅城奏入均報

初三日

乙酉

何桂清奏言已革江蘇巡撫許乃釗

係奉

旨
在江南大營差遣委用之員上年三月甯國失陷由
向榮飭令自鎮江來浙所有防局事務經臣奏
明交該革撫督辦奉

旨允准該員回浙以來團練民勇修濬城濠建設礮臺
尙屬著有微勞可否懇

恩賞給頂戴以示鼓勵奏入

上諭內閣曰已革江蘇巡撫許乃釗自奉派回浙練勇
修濠建設礮臺尙屬著有微勞著加恩賞給五品頂
戴

同日載增富森奏言查李光榮盧又

時興山已失因分兩路往攻興山詎料該逆已
潛伏兩股一股約有三千人繞遠安縣來撲荆
州適與盧又熊遇於該縣所屬之白虎渡等處
迎擊數次殺斃千人餘匪逃回保康而去一股
約有五千餘人繞小路來撲宜昌遂致失守近
於上下游攔大小船一百餘隻脅從者約有五
千欲分股由當陽陸路及大江齊趨荊州並聞

李光榮因川勇猝變歿於營中臣等連日與荆
州道府籌商委都司宗維清等帶荆城守兵並
勁勇一千名馳赴宜昌迎勦復將盧又熊之勇
撤回與錫齡阿等所帶滿兵相機接應又飛飭
德恩速帶川兵繞出賊前由荊州會同滿兵策
應各處至大江尙有李光榮帶來大小礮船二
十餘隻另委員管帶同水師營都司周邦富沿

江防禦惟地方萬分喫緊兵分力單

飭下湖北督撫臣另派兵勇兼程來荆卽往宜昌速除

內患

同日胡林翼奏言查草店孫家灣敗匪二三千
人分三路竄入房縣鹽法道常恩督兵會同四
川松潘鎮德恩等分路跟追署房縣知縣金玉
堂督勇於火燒寺堵禦山徑紛歧該匪已於十

一月二十九日襲踞縣城並分股於東浪地方
憑險抗拒十二月初六日馬步各軍攻克東浪
初九日抵房縣北門外紮營賊由東北門竄擁
來撲馬隊迎擊賊退入城初十日賊復來撲德
恩督兵迎敵舒保帶馬隊分途夾擊賊始大敗
常恩督勇尾追生擒僞檢點熊國才等二十一
名次日探悉賊目張二瞎子分股竄馬驛地方

其高二先等一股仍踞縣城當卽會商進剿十
二日至北關外渡河將房縣城池收復賊由西
門敗走不料該逆竄陷竹山縣又分陷保康縣
常恩等追至塘灣地方進攻竹山戰於七里坡
逆衆奔潰斬獲尙多十八日移營火山嶺二十
日署陝西延綏鎮總兵龍澤厚領兵一千一百
餘名由鄖陽來會二十一日攻破南關賊營是

日渡河攻龍背山之賊二十四日賊以大股出
北門來撲我軍力擊之賊敗回城是夜四更賊
由西門遁走收復竹山城池並分路追擊十餘
里賊分竄白鶴塢漁口郭家洲二十八日漁口
郭家洲之賊竄竹谿泉河白鶴嶠之賊竄峪山
河我軍分路截擊大獲勝仗正月初二日泉河
之賊回竄竹山縣之泥溝我軍以馬步分擊敗

之於白河口又敗之於王家河初八日偵知賊踞房保連界之茨坪官軍進抵保康之柳楊鋪問道勦之獲勝十三日我軍冒雪由硃藏洞而進登山擊之以少禦衆擒斬千餘其竄陷保康之賊則署保康縣知縣方兆科守備熊運泰於十二月二十五日將縣城收復賊竄縣屬歇馬河復合竹山房縣之賊於正月初七日分竄宜

昌府屬之興山縣城經知縣孫寶田遊擊劉廷
麟旋即收復荆宜施道莊受祺派守備盧又熊
率勇六百由宜昌北路徑赴興山進勦飭候補
知州李光榮率勇千名由宜昌南路進勦盧又
熊之軍與賊遇於當陽揜斬頗多李光榮之軍
距宜昌府城四十五里未與賊遇正月十七日
賊匪隨陷宜昌府城臣查襄陽匪徒起事以來

所過州縣輒多失守惟署均州知州升用同知
直隸州吳嗣仲日夜堅守多方抵禦力挫賊鋒
不愧守土之職可否仰懇

天恩以同知直隸州遇缺儘先補用並加知府銜

賞換花翎以昭激勸至已被賊擾之失守文武應請

旨革職責令實力防剿署宜昌鎮總兵景輝知府阮福
等並房縣竹山保康興山宜昌各城文武俟查

明參辦再查賊在均州時護鄖陽鎮總兵阿昌
阿督兵往援如能迅速迎擊常恩等亦迅速追
勦前後夾攻撲滅自易何至縱賊入山任其滋
蔓實屬追捕不力應請

旨將武昌鹽法道常恩署四川松潘鎮總兵德恩護理
鄖陽鎮總兵揀發參將阿昌阿均摘去頂戴臣
維鄖陽一府實三省邊防之要現經督臣官文

派撥水師都司左光培並巴揚阿等馬步各軍
兼程駛往荆宜防勦臣復添派寶營義營兵一
千二百人倍道援勦並飛檄留防襄陽知府唐
訓方等迅速夾擊勿任滋蔓均奏入

上命軍機大臣傳諭官文綿洵載增富森胡林翼曰本
日據載增等奏官文所派之李光榮因川勇猝變沒
於營中盧又熊所帶之勇雖將另股竄荆之匪擊退

而宜昌尙爲賊踞有船一百餘隻匪衆五千欲圖水陸窺伺荊州該郡爲楚省上游重鎮萬不可稍有疏虞載增等布置尙屬周妥惟兵分力單尙恐不敷堵剿現據胡林翼奏稱已由官文派撥水師都司左光培並巴揚阿等馬步各軍前往荆宜該撫復添派寶營義營兵一千二百人赴援是否足資攻剿仍著官文胡林翼酌量情形或再於大營內抽撥官兵迅將

宜昌府城克復力遏其下竄荊州之路綿洵如未經
抵任卽著兼程前進仍遵前旨在城外駐紮相機迎
勦官文胡林翼雖相距較遠仍應勤加偵探隨時調
度常恩德恩阿昌阿追勦不力業經摘頂示懲若再
不迅復宜昌致令荊州有警卽著嚴叅治罪此股匪
徒勾結川勇居多且李光榮所帶川勇又已中變大
營遣散川勇正在陸續過荊若令再有勾結必致更

肆狻猖著載增等一面妥爲彈壓一面實力勦辦毋使顧此失彼

上諭內閣曰湖北襄陽賊匪於上年十一月內竄撲均州旋陷房縣竹山保康縣城經鹽法道常恩督帶兵勇分路追勦疊有斬擒因山路崎嶇未能得力致該匪復竄陷興山縣城迨各縣城次第收復宜昌府城復被該匪攻陷各該帶兵文武及守土員弁或嬰城

固守或堵禦無方自應分別查辦以昭懲勸署均州知州升用同知直隸州知州吳嗣仲登陴守禦力挫賊鋒著以同知直隸州知州遇缺儘先補用並加知府銜賞換花翎其被賊竄擾失守之署房縣事候補同知金玉堂駐守房縣遊擊文英城守千總鄧德仁竹山縣知縣湯一德署竹山協副將棟發參將佛爾國春署保康縣知縣方兆科署保康汛守備千總熊

運泰著興山縣知縣孫寶田宜昌營遊擊劉廷麟雖
因出城堵禦旋即收復究屬防範不力均著卽行革
職責令實力防剿以觀後效武昌鹽法道常恩署四
川松潘鎮總兵德恩護理鄖陽鎮總兵棟發參將阿
昌阿未能迅速撲滅致滋蔓延實屬追捕不力均著
摘去頂戴以示懲儆署宜昌鎮總兵督標中軍副將
景輝知府阮福等並房縣竹山保康興山宜昌各城

文武並著迅速查明據實叅辦仍著該撫嚴飭在事將弁併力攻勦克復宜昌毋令再行竄擾

同日曾國藩文俊奏言查瑞州奉新經臣等分派大兵圍攻而由西迤北至於九江中間建昌武甯德安等縣數百里間均有逆黨盤踞往來遙爲奉新聲援而建昌近接省城武甯近接興國州尤爲賊匪出沒嘯聚之區十一月初六日

臣等派千總張金壁等帶勇馳往建昌攻勦初九日抵三角湖焚燬把卡賊船二隻整齊隊伍分四路直撲小河口老巢賊匪亦分股迎敵鏖戰兩時賊始敗退我軍跟蹤力追殺斃溺斃四百餘名陣斬守城之賊目吳姓及來援之德安賊目卽將建昌縣城克復嗣聞該縣仍被德安之賊竄踞十二月初一日臣等復派張金壁等

前往攻勦賊於距城八里之廖姓村迎敵張金
壁等直前擊之賊黨潰亂紛紛入城我兵四面
環攻勇氣百倍親兵丁世昌等首先登城衡勇
繼之共斃賊五百餘名生擒五十三名復將縣
城攻克又據代理武甯縣知縣冒溶稟報十月
初八日賊匪二千餘自紐絲嶺犯境舉人柯芬
管帶平江勇與駐紮橫路之李述攀豫定前後

夾攻之計行至芭蕉地方遇賊接仗擊殺五百
餘名賊衆大潰由旁峽分竄又斃六百餘名生
擒二百名十八夜賊復分股撲營意圖抄襲甫
至楊神坪張瑞嵐等伏兵出其不意開礮轟擊
斃賊多名二十三夜賊目張佩五率黨千餘由
瑞昌王家鋪撲紫鹿嶺營官軍從後截擊賊盡
棄械越嶺而逃生擒張佩五回營二十八日賊

衆四千人由黃坊清溪港兩路入犯柯芬等四
圍堯擊斃賊二百餘名十一月初一日至初七
日疊次追賊我兵小有挫折舉人劉馨翰等招
集潰勇力圖再戰初十日賊出千餘人至石口
渡焚劫我軍人人思奮斬馘四五百名逐北四
十餘里十一日四面攻城賊由東門竄出皆爲
鄉團擒殺立復武甯縣城又據李續賓稟報自

大冶興國追賊東下十二月初六日行距瑞昌縣十里之亭子山該逆聞風遁去經該縣練勇抄擊殲賊多名生擒二十五名當將瑞昌縣城收復李續賓一面進駐九江一面派兵收復德安縣城又據道員劉長佑稟稱十一月二十日新喻賊目朱一點率衆二千勢將上竄劉長佑派隊馳赴分宜並催候選知府蕭啟江進屯洋

橋互爲聲援二十三日賊果悉衆來犯楚勇奮
擊破之十二月初三日賊匪分股扼守寶山初
八日我軍屯紮界首是夜進勦寶山李能通率
衆先進劉坤一麾衆繞向山後賊勢不支乃敗
入城中義勇逐之而入賊遂出東門逃遁收復
新喻縣城義勇又從下游渡河邀擊賊首尾受
敵狂奔四竄被我軍追殺二百餘名生擒五十

名又據同知趙煥聯稟報十二月初九日派左
右兩營進扼永新之橋頭初十日趙煥聯督中
營越山而進探知甯新交界之泥湖坳有逆黨
設伏守隘十一日且探且進該逆分三路來犯
趙煥聯分三路擊之中路之賊先敗左右同時
奔潰殲斃四十餘名十三日行抵縣城我軍甫
入南門偵知賊伏城外五里之蕉碧村趙煥聯

率衆奮擊大敗之殺賊目二名餘匪五百餘名
克復永甯縣城臣等仍激勵諸將規復九江各
府城俟西路局勢大轉卽當分兵東路掃蕩羣
醜以期仰慰

宸廑奏入

上諭內閣曰江西自前年冬間各府州縣多被賊陷經
曾國藩等派撥兵勇並湖南湖北諸軍分投剿辦城

池漸次收復茲據奏稱官軍於上年十一月及十二月兩次克復建昌並將武甯縣城攻克李續賓一軍將瑞昌德安二縣收復劉長佑趙煥聯兩軍先後克復新喻永甯兩縣如此陸續攻克江西大局漸有轉機仍著曾國藩等激勵將弁將九江等處合力攻剿趕緊收復毋稍延宕

曾國藩文俊又奏言湖南候補知府吳坤修管

帶鄂省援師來江協勦十一月初八日探知建
昌之賊將欲上犯安義派彰武軍丁峻等馳往
迎擊初九日賊匪攻撲安義我軍佯北誘賊折
回擊之割取首級者百有九顆追奔二十餘里
保全安義縣城並約會副將普承堯來奉新助
勦鏖戰三時賊黨大敗斃賊計在六百以外二
十一日賊來誘敵我軍力戰窮追忽於樹中衝

出悍賊吳坤修立馬揮衆苦戰經時賊旋敗竄
次日復戰亦如之二十三日又戰亦如之二十
四日逆黨大舉來犯我軍堅忍不出俟其情歸
開壁逐之勢如潮湧賊遂大敗自有此數日苦
戰士氣愈奮賊燄漸消我軍又於營外修築長
濠立壩遏水自立於不敗之地該逆邀瑞州悍
賊於十二月二十三日黎明乘霧來撲我營我

軍鏖戰六時割取首級八十四顆從此賊膽已
喪堅閉不出吳坤修料其不能固守此城矣但
以官軍單薄甫及三千勦辦則有餘圍攻則不
足乃嚴飭各鄉趕辦團練以相協助時在籍紳
士御史帥方蔚等督令比戶練丁各持器械二
十七八九等夜賊由南門出城赴各鄉擄劫頃
刻間聚集團練數萬人鳴鑼震天賊知官兵方

盛團練又成始有逃遁之意正月初五日吳坤
修派隊直逼城下焚其更樓各營由北門獅山
梯繩而上該逆由西南兩門奔竄列炬追殺斃
賊極多三更時克復奉新城池生擒老賊六百
二十一名臣等查逆黨之在江西專以堅守爲
長策自九江瑞臨等六府之外又以全力守湖
口奉新二縣蓋以湖口與九江爲唇齒奉新與

瑞臨爲犄角故也吳坤修自抵瑞州卽思先拔
奉新以翦瑞賊之羽翼賴團練協助乃克奪此
堅城實屬謀勇兼優仰懇

天恩交軍機處記名以道員請

旨簡放知縣杜霖請免選本班以直隸州知州卽選從
九品孔廣晉請免選本班以知縣留於江西補
用其餘營中員弁兵勇暨隨同出力之地方各

官團練紳士可否容臣等開單酌保之處出自
聖主鴻恩其力戰捐軀之把總陳有才請

旨飭部照守備例議卹外委余瑞林請照千總例議卹

奏八

上諭內閣曰湖北援兵前赴江西克復安義靖安嗣復
圍攻奉新上年十一月賊衆蠭擁出撲經候補知府
吳坤修約同副將普承堯會兵助戰斬擒甚衆該逆

復邀聚瑞州悍賊撲營官兵直逼城下鄉團併力環
攻克復奉新縣城勦辦尙屬奮勉湖南候補知府吳
坤修著交軍機處記名以道員用知縣杜霖著免選
本班以直隸州知州卽選從九品孔廣晉著免選本
班以知縣留於江西補用陣亡把總陳有才著照守
備例議卹外委余瑞林著照千總例議卹

同日崇恩奏言臣查東省額設營馬除節次調

赴外省軍營及本省馬兵乘騎出師外存營本
屬無幾上年十一月間察哈爾四起官兵到豫
亟需馬隊不得已將兗曹登三鎮騰壯營馬儘
數調撥共得三百匹奏明起解今奉

諭旨著臣挑馬解赴徐州臣輾轉思維經費既屬短絀

採辦亦殊難齊各標存贍營馬通省覈算尙不
足二百五十匹之數本省差操亦關緊要惟有

仰懇

天恩俯念東省營馬無可抽調准就別省改撥或由英
桂史榮椿軍營自行通融乘騎免致輾轉耽延
奏入

上命軍機大臣傳諭崇恩曰據該撫奏稱各標存馬通
省覈算尙不足二百五十匹之數覽奏實堪詫異兵
丁差操馬匹最關緊要山東爲南北衝途當此鄰省

多事之秋早知營馬缺乏何不急籌買補所需馬價能值幾何而顧以經費短絀爲慮乎除此次所調馬匹已諭由江蘇購備外所有山東缺額營馬卽著崇恩趕緊籌款次第買補嗣後遇有調撥若再藉詞推諉惟該撫是問

上又命軍機大臣傳諭邵燦庚長曰前因德勒格爾以察哈爾馬隊倒斃過多請飭購買補足當經諭令崇

恩抽撥茲據覆奏該省存營馬匹無多不能抽調亦
無可採買軍營馬匹最關緊要山東既無可抽調著
邵燦庚長迅卽籌款於徐州附近各屬派員採買馬
二百五十匹就近解交德勒格爾軍營應用

初四日

丙戌

福濟奏定三鄭魁士奏言桐城被圍

緊急糧道不通前派郝光甲帶陝兵九百餘名
早抵舒城已飭進紮軍鋪並令都司阿克敦帶

勇千名馳往會合援勦查廬江係桐城後路若不先復廬江則桐城礙難得手臣秦定三臣鄭魁士現俱紮營城下腹背受敵處處爲賊牽掣廬桐賊勢麇集必須分路堵勦臣等相商臣秦定三一軍應由北門移紮呂亭二十里鋪三十里鋪等處以堵桐賊北竄之路臣鄭魁士一軍應折回迎勦廬江迅圖克復以杜內竄廬州之

路奏入

上命軍機大臣傳諭福濟曰桐城賊勢屬集該提鎮等
紮營城下糧道不通情形危急該撫等相商奏定三
移營呂亭等處堵賊北竄鄭魁士折回迎勦廬江以
村內竄廬州之路惟移營有似退守而分兵又恐力
單且俟郝光甲阿克敦兵勇到後如果糧道可通得
有轉機再由福濟體察機宜與該提鎮妥商辦理以

顧全局

福濟秦定三鄭魁士又奏言十二月初九日總兵吳全美派守備鄭吉星等各駕三板划船在沿江一帶巡探瞭見石壘江口草船十餘號當卽施放火箭奮勇攻擊正相持間小河南壘中火光衝起賊情驚駭當令千總梁正源等由雙港陸路吳全美親督遊擊唐國棟等由水路並

進該逆見我兵水陸夾攻分路迎敵北江蠟磯
逆壘遙放大礮互相聲援我軍轟擊多時將賊
壘中帳棚軍械焚燬一空死傷不計其數十六
日東北風起吳全美親督紅單各船乘風進剿
對準蠟磯賊壘疊開大礮牆垛木柵紛紛轟倒
斃賊極多二十九三十等日該逆一千餘人在
雙港一帶分股四出窺伺舟師正月初六日又

增賊五六千人另有多槳划船三四十隻意在水陸合撲當飭徐克明等揚帆迎勦遶開大礮立沈賊船十餘隻賊正擬轉棹我軍趕緊尾追又奪獲划船多隻生擒賊匪十八名乘勢駛進雙港該逆由隄埂下衝突而上老鴉山及田心來賊亦已撲進魯港吳全美督飭遊擊唐國棟等帶兵登岸分路迎勦千總范疊光等首先殺

八連斃悍賊數名各勇繼進將雙港之賊登時
擊退追殺二百十五名計是日之戰殺斃並落
水之賊約有四五百人臣等查南北兩岸賊壘
甚多雖小河南石壘被焚該逆旋又盤踞且該
逆尙在雙港恐其於老鴉山等處再築營盤陸
兵攻出蕪湖又多棘手已飛咨鄧紹良迅速撥
兵進擣蕪湖俾水陸聯絡一氣攻勦較易爲力

聞

奏入報

福濟又奏言據總兵音德布報稱金陵賊匪由蕪湖一帶竄過大江約六七千人馬四五百匹爲芝麻河等處逆衆應援正月初八日該逆膽敢在螺絲灣紮營經音德布派隊左右直衝左隊將賊擊退斬獲頗多有隊正在酣戰忽西路

來賊數千寡不敵衆突圍而返陣亡守備何玉
堂千總周德昌二名是日香泉地方亦被賊匪
竄撲經和州知州陳麒昌等帶勇擊散斬首二
十餘級連日在卜家集等處奮勇追剿轟斃騎
馬黃衣賊目四名賊黨數十名該逆不支棄械
潰竄臣等仍飭嚴密防堵相機剿除所有陣亡
守備何玉堂千總周德昌應請

旨各照升階飭部議卹奏入

上從之

初五日

丁亥

胡林翼奏言查賊竄興山時荆宜施

道莊受祺派守備盧又熊督勇由北路進剿以
屏荊州正月初十日盧又熊行至當陽卽趨遠
安十六日擊賊於白虎渡大破之十八日團勇
先由金豹嶺繞出賊後而盧又熊自率精銳疾

行迎擊賊方集隊我軍突入其巢賊衆大亂盧
又熊揮軍縱擊斃賊數百名臣查盧又熊奮勇
直前勦退賊匪先清遠安一路乃得回顧荆郡
大局所關亟應先行獎勵可否仰懇

恩施逾格將守備盧又熊以都司留於湖北儘先補用
並加遊擊銜以昭激勸奏入

一諭內閣曰守備盧又熊由當陽遠安進勦賊匪連獲

勝仗復突入賊巢斃賊數百名實屬奮勇可嘉盧又
熊著以都司留於湖北儘先補用並賞加遊擊銜

胡林翼又奏言上年十二月初九日李續賓陳
師九江城下會同提臣楊載福籌商水陸環攻
之策復曳運三板於內湖以攻之自十二月十
三日更番攻城閱六日夜不息我軍負薪填濠
城外之椿柵竹籤焚拔殆盡二十九日湖口縣

援賊大至城內賊匪齊出接應一由龍開河繞
甘棠湖涸處渡港而來約三四千人李續賓督
令何紹彩等按陣以待伺其渡港逾半奮力擊
之賊大敗回竄偪至港邊鳧水而逸李朝斌率
內湖三板攔壩轟之斃賊六七百名一由小東
門出會合援賊列於八里坡約六七千人李續
賓督令胡裕發等分途迎勦鏖戰四時我軍益

奮斃賊七百餘名陣擒僞將軍劉松綱僞旅帥
徐添方等十七名老賊張羣材等九十餘名其
偏蹙淹斃於湖港者約數百名奪獲旗械四百
餘件至北岸小池口與九江對峙賊造石城業
已二年城外築壘濬濠密排礮位江甯將軍都
興阿與楊載福會商於新正初五日水陸馬步
合力攻之以參將鮑超會同各路馬隊四面攻

撲同時並進直造賊營踏毀南路土壘十座北路土壘十座關卡六座小壘無數殺賊五千餘名偏水淹斃者無算生擒僞檢點蕭逆僞指揮陳逆並老賊七百餘名奪獲羸馬多匹大礮七十三尊劈山礮十六尊擡槍鳥槍八百桿刀矛旗幟無算臣思南服之要惟襄陽荊州武昌爲最重次則莫切於潯陽現在逆首林啟榮日夜

聞

添設守具聚集米糧攻勦不易得手臣反覆籌
思惟有長塹圍困之一策現飭興工開濬並先
圍攻小池口賊城以期迅速克復奏入報

胡林翼又奏言水師副後營營官周清元於上
年攻克武漢督勇上擊右肘被礮子傷甚重於
十二月初七日因傷身亡臣查該員由外委歷

保參將加副將銜自派管水師營務以來廉明
愛士圍攻武漢一年身經百戰無不身先士卒
每當危急之際一力擔當尤見忠勇茲因傷重
身亡深堪憫惻相應請

旨飭部照副將陣亡例從優議卹奏入

上從之

初六日
戊子署直隸總督陝西巡撫譚廷襄奏言

查湖北襄樊匪衆竄擾鄖郡房竹等屬毗連陝
界地方喫重前經臣檄令副將龍澤厚赴楚會
勦並飭副將興貴出境迎擊旋據興貴等先後
稟報賊由竹谿分股直撲平利縣該員等帶兵
接仗獲勝賊匪敗逃復據龍澤厚等稟報賊踞
竹山在南關河沿及龍背山築壘經龍澤厚等
於十二月二十一日攻破南關賊壘二十三日

進攻龍背山殲斃百餘名次日移營進逼圍攻
有步賊三四千人馬賊六七百人擁出北門衝
撲各軍奮勇兜勦自午至申斃賊六七百名生
擒四十六名當卽克復竹山縣城餘匪由白鶴
壩漁口及郭家洲等處竄逸臣查竹山雖經克
復餘賊竄逸必應窮其所往悉數殲除現仍飭
龍澤厚等統領原調征兵跟蹤追勦以圖殄滅

譚廷襄又奏言前署延綏鎮總兵甘肅副將龍澤厚現署陝安鎮總兵棟發副將興貴前因進兵延誤經臣奏參摘頂示懲茲龍澤厚督兵克復竹山縣城興貴擊賊獲勝均知愧奮可否籲懇

天恩俯准開復龍澤厚興貴頂戴至河州鎮標遊擊常有防守關垵汛俾賊不敢侵犯陝界實屬勇敢

可否

恩准量加獎勵以昭激勸奏入

上諭內閣曰湖北襄樊匪衆經譚廷襄派令副將龍澤厚等出境迎勦疊有斬擒其竄踞竹山之賊在南關河沿及龍背山築壘經龍澤厚等先後攻破斃匪數百名克復竹山縣城所有出力之前署延綏鎮總兵甘肅副將龍澤厚現署陝安鎮總兵揀發副將興貴

均著給還頂戴河州鎮標遊擊常有著譚廷襄酌量
保奏候朕施恩此股賊匪現由保康興山竄入宜昌
著譚廷襄仍飭龍澤厚等不分畛域跟蹤勦捕會同
湖北官兵合力夾擊盡殲醜類

同日浙江巡撫晏端書奏言據安徽撫臣福濟
來咨無爲州業已失守請飭總兵周天受帶兵
五千剋日渡江會勦臣查周天受本係奏明帶

兵駐防青陽崇覺寺嗣因祁門竄出之賊與湖北敗匪併踞浮梁景德恐其復竄徽境已飭該總兵回駐徽州現據張芾來咨景德鎮之賊爲擾樂平建德等處逼近婺源祁門情形十分危急徽州圍郡之防全藉周天受居中調度兼須策應青陽萬難撤兵他往若勉強抽派勢必顧此失彼不獨徽甯難以固守且於蘇浙安危大

聞

有關係奏入報

晏端書又奏言浙省籌防總局向係委員督辦
查有前經留浙之雲南糧道王有齡在浙服官
最久而於皖南防務尤爲熟悉且捐輸助餉各
局皆係該道一手經理合無仰懇

天恩俯准將王有齡暫行留浙辦理籌防奏入

上從之

初九日辛卯載增富森奏言逆匪於正月二十四

日從陸路先後竄至白洋地方經前敵曹立全等帶勇迎勦轟斃紅衣騎馬賊首餘匪回奔自相踐踏掩殺十餘里斬獲無數該匪偵知荊州防範嚴密官軍已水陸齊上不敢下竄次日開宜昌東門全行竄出由東北一帶遁去約有數

千人各軍分投截勦斬獲甚多又探得該逆於
二十七八等日竄入當陽遠安境內沿途間有
逃散者臣等以宜昌甫經收復仍須留兵扼守
已飭守備胡舉高等帶兵守豐寶山曹立全等
帶勇守江口以防回竄宜昌水陸之路查當陽
遠安均山城僻縣毗連荊州西北地方未可空
虛當調回宗維清錫齡阿等各帶兵馳赴西北

一帶迎勦但此股匪徒肆行狂奔必須痛加勦
洗以淨根株特派盧又熊等帶勇千名進勦當
陽遠安卽可與胡林翼所派唐協和管帶之勇
併力夾擊計督撫派來步隊馬隊水師不日可
到當催整隊前進會合諸軍務將全股掃蕩此
時蜀道疏通前逗留荊州各處川勇臣等擬籌
給行糧收其軍器押送回川庶免滋事

載增富森又奏言前因宜昌失陷李光榮帶勇折回離宜郡三十里之珠寶山紮營於正月十九日督勇直逼城下開仗獲勝遂安營於天官橋以杜下竄之路是夜二更有從逆奸匪多人潛入營中該員猝不及防竭力與戰身受十二重傷而歿臣等查李光榮臨陣爭先身經百戰今歿於疆場情實可憫前誤傳爲兵變現覆加

訪察實係力竭陣亡擬請將候選同知直隸州

李光榮

賞給知府銜照陣亡例

飭部從優議卹奏入

上命軍機大臣傳諭官文綿洵載增富森胡林翼曰前
因賊匪窺伺荊州已諭官文胡林翼等於派出水師
馬步各軍外再行酌量於大營內抽撥官兵前往荆

宜一帶助剿現在宜昌雖已收復而當陽遠安均山城僻縣毗連荊州西北地方最爲緊要載增等布置尙屬周妥前有旨令綿洵兼程赴荆此時諒已抵任著卽會同載增富森督飭各軍相機追剿官文前派水師左光培並巴揚阿張萬祿馬步各兵胡林翼前派唐協和所帶練勇亦卽日到著官文等卽飭與盧又熊一軍會合夾擊將當陽遠安竄匪悉數殲除

荊州各處逗留川勇並著載增等收其軍器押送回川免致滋事

上諭內閣曰候選同知直隸州李光榮帶勇殺賊屢立戰功茲因勦辦宜昌匪徒身受多傷力戰陣亡實堪憫惻李光榮著賞加知府銜照陣亡例從優議卹